

太

函

集

太函集卷之一百十八

新都汪道昆伯玉著

七言律詩

丙戌上巳開府司馬溫公招飲西湖

掉頭一別中興年把臂重逢上巳筵
卿月天邊移幕府客星海畔傍樓船
五湖但許綈袍在一水何妨衣帶連
莫向蘭亭論往事隴梅堤柳總風煙

其二

春湖灌木合啼鴛好在仙舟鼓櫂行
表裡河山經國地高低宮闕化人城
試從定水觀魚樂莫遣歌鐘亂

鳥聲落盡高霞烟欲暝西陵瞥見月生明

奉贈開府司馬溫公

魚海寧容負國恩龍淵况復倚轅門東隅隨地軍
聲振西掖當年廟略存列戍著前嬉稅甲羣夷島
外褫游魂從知社稷須公等好把昇平答至尊

余歸自江左適從弟行父有事山東余壯其遊
贈言爲別

倦游聊自繫浮槎惜別那堪著棣華相顧鵲鴒聞去
住孤飛鴻鴈任橫斜儒林鄒魯三千士帝時云亭七
十家即使躊躇多古意肯容留滯獨天涯

陳明府令歛五年薦書十上境內日望徵書且
至僅得屬廷尉趨留都都人士競爲聲詩不佞
爲倡

共擬乘鳬入 尚方俄看秣馬去甘棠新都旬服依
天府原廟宸居本 帝鄉歲自商霖登五稔司存漢
署領三章由來執法官仍冷相送關河滿路霜

其三

北轅迢迢再朝天南省浮沉一列仙短景競將慈日
繫長塗遙望法星懸驪駒急節霑衣地駟馬高門解
網年野老豈應勞結襪都亭儻許奉鳴鞭

程進士鼎輔出理虎林取道逆婦邑中且爲高
堂壽因賦七言近體以爲贈言

閨中睂嫵渡河初庭內顏開奉檄餘韋氏傳經元相
種公孫博物首刑書九霄錯落雙龍劍千里間關一
鹿車路冕儘堪容駟馬沙堤仍是舊門閣

送許去疾分闕閩海總括嶼舟師

漢家宿將盛諸生橫海樓船疊鼓行夷檄祗應飛露
布相門殊自出干城滄溟夜墮旄頭色部曲秋傳節
裏聲燕領不緣投筆起風塵落落那知名

其二

虎竹分符肘後懸海隅京觀築當年玉門生事容吾
老銅柱勲名覺汝賢物色魚龍霾夜水軍聲鵝鵲淨
秋天好從多暇延詞客倘有玄虛賦可傳

往余登三天子都聞余大母春秋八十有六亦
越五載乃躋九齡予習二其則大母孫也因賦
詩二律爰命壽觴

行行短晷夜過門望望高堂背樹萱五稔旋應廻日
御九齡原自命天閭神人冰雪顏全駐王母煙霞齒
獨尊願乞一杯仙掌露振衣重到洗頭盆

其二

鄆山積翠擁三天寶婺明星照四筵麟脯仙厨新入
饌魚羹子夜舊通泉報劉正喜文孫並頌魯翻從壽
母傳雲錦怪來開奕葉銀河直下接沱川

丙戌仲秋二十五日同諸君子集淨慈寺西閣
時卓漱父光祿帳具徵名姬佐酒者十二人即
席分體賦詩余爲首倡

鼓棹遙從絕島迴盍簪漫仿化城隈雄風四坐披襟
滿爽氣千山倚檻來地主觴行光祿酒天人樂奏妙
高臺洛川宛在重湖上鄴下重當作賦才

其二

蘭亭舊沒越王臺
蓮社新寬陶令杯
杖屨並邀穿竹入
笙歌羣擁散花來
青蘋噴雪濤仍壯
白芡翻風日乍迴
莫以腐毫矜重客
踈鐘雲外莫相催

避暑浮玉山沈純父自京口遣訊奉荅

曾逢澤畔起三閭
誰向天涯問索居
海藏旋脩開士業
江關忽到故人書
披襟只隔青蘋末
把袂還期白露初
帆腹雄風饒客路
刀頭明月正吾廬

中秋後一日吳門送沈太僕之滁陽

秋半蟾蜍故陸梁
朝來湯谷出扶桑
人間倏爾陰晴變
天上依然日月光
山得瑯琊仙隱僻
苑分苜蓿

主恩長吳門匹練看如此雲錦千群况帝鄉

白榆社虛無人喜俞公臨再至以詩招之

白榆歷歷曉分披紫氣萋萋夜陸離一別吳蒙殊刮目重來陶令莫攢眉綈袍豈爲寒相傍綵筆惟應老自知共道國風從草野誰當匹練許爭馳

送詹東園之任南京翰林院

爾蹲風雨獨垂綸瞥見滄溟掣巨鱗中歲傳經秦博士舊京染翰漢詞臣禁城漏隱青藜夜御苑花含綵筆春高廟宸遊天咫尺開元供奉更何人

其二

光朝天祿爲君開獨操陽春入楚迴故態猶傳鸚鵡
賦新聲好傍鳳凰臺向來王氣浮南極此去官曹切
上台翻笑子雲甘寂寞白頭高卧少城隈

七言近體一章爲方元素尊人七十壽

庭下斑衣舞袖颺枝頭黃鳥勸杯長豈緣樗散耽中
聖自任鴻濛到上皇子舍殷勤青玉案仙家髣髴白
雲鄉謾從垂老稱希有東海桃花正未央

肇林贈方秀才兼寄王博士

精舍遙投法界連長檠並向佛燈傳公車濩落三千
字吏道驅馳四十年初服相過緣問疾清尊自醉擬

逃禪王宏倘問西方意方外牛車尚未懸

樂少仙得師方外徙居縣山殷司隸以上客客
之得諸古壤茲還金谿築舍力疾贈以短篇

天路何年遇赤松雲山隨處佩蒼龍神遊暫隱烏皮
几真氣長依馬鬣封隣卜軒轅俄避舍澤分彭蠡總
朝宗不須敝屣遺妻子好在蓬萊第一峰

洞然真人少從太史公受室旣謝詩書譚王伯
旣又謝王伯譚神仙亦九齡僊僊乎未艾也夏
五辛卯戶有懸弧不佞備在同盟賦七言近體
二章爲壽

伊昔乘龍近上台而今跨鶴集南陔雲中大吠家仍
在洞口桃花手自栽計日刀圭生羽翼有時觚爵徒
蓬萊百年莫詫人間世九十嬰兒尚未孩

其二

百里靈源再問津摩天羣削絕風塵春鶯四合啼脩
竹夏木千章奉大椿紫氣暫留驅洛駕黑頭猶是避
秦人雲門鼓瑟來仙侶莫遣釣天到近鄰

往余登三天子都元咸爲主越歲丁亥月周孟
卿公臨挾二其續余舊游主如嚮者歸報元咸
毋李孺人始耄因賦近體以侑初筵

客里寧須典湛盧人間殊自降麻姑名都極目三天
子精舍攢眉一酒徒已報瑤池桃結實仍聞丹穴鳳
將雛兒曹不羨金門戟仙侶爭投玉女壺

送吳按察之京

條風天末起青蘋列國諸侯散紫宸三尺曾持東海
節單車正及上林春即看虎竹乘時出更喜鶯花到
處新見說菟裘營故里肯容畏壘卜吾隣

寶綸閣

鄼侯垣屋儵開中千祀雲仍壯楚東紫誥承恩天
象逼白衣入夢地靈通案頭巖嶂度青玉檻外川原

落采虹阿閣三重天尺五手探奎壁鬱芴芴

贈梅泰符送丘謙之入楚

誰掀炎海迸江流底事憑陵作楚遊賦客少年渾尔雅
隱侯高詠獨綢繆行邊暑避江湘路到處天迎李
郭舟吟望可留餘興在秋風澤畔易生愁

送周廣文自海陽遷夏邑令

海陽桃李接屠蘇夜水魚龍送舳艫舊業青氍經北
固新聲綠綺入中都晚衙群下公庭鳥曉漏雙飛
帝闕見見說頻年多菜色隨車甘雨莫踟蹰

七言近體一章爲喻封君八十壽

高城海色引扶桑故國江聲動豫章赤水明珠胎自
紺青田老鶴髮俱黃星精五夜縣南極風物千秋到
上皇舉目靈臺天咫尺琅函重下白雲鄉

宛陵呂相君歷新都招入社二首

粉榆生事近來荒有客停車背郭堂伏枕白頭俄雀
躍承家綠鬢蚤鷹揚行春霧樹開三輔入夜星河動
七襄海岱只今移咫尺齊風千古正泱泱

其二

斗口氤氲戴六星城頭縹緲出孤亭合宮地劃芙蓉
紫疊障天連辟荔青折簡謾勞招石隱揮毫瞥見走

山靈君從秦望杯滄海肯託湘流問獨醒

江伯宗自鄴應 召遷南度支因寄里言爲贈
衡陽萬里下弓旌瞥見雙鳬入漢京官拙豈應稀薦
達郎潛殊自重聲名青萍夜色干河鼓朱雀秋風到
石城 寢廟未忘經國計憑軒或恐問蒼生

罷中諸孝廉應 召公車古君侯餞之祖道乃
速三老爲客屬不佞賦詩以壯其行

題橋一誓錦江東推轂先傳梓里同策對天人中秘
省錢開地主右扶風弓旌竝下聲名競几杖參陪禮
數隆此去承恩俱賦客由來化俗自文翁

其二

海甸欣逢薦達年江關齊發孝廉船股肱郡列諸侯
上竹箭材收萬國先城上鳳凰爭起穎臺前騁裏迥
凌燕提封好在軒皇地咫尺瀛洲步列仙

殷舍人奉命治葬新都暫歸待期還報

使臣持節自金門相國新阡出特恩將作豐碑三
殿下和連高塚五雲屯囊中賦就南都壯斗下廻看
北極尊流水只今銷毒熱尋源準擬到崑崙

獨宿枝閣雷雨水電驟至

小閣深杯棣萼親故園翻作未歸身平林木落三更

雨高枕雷盤十月春何處嘶枝鳴兕甲有時震瓦墮
龍鱗老夫任是忘機盡起著荷衣正角巾

伯宿及艾余從其家丈人游奄忽二十年伯宿
始稱老撫今懷昔情見乎辭

汶水洋洋共樂饑君年五十尚斑衣家聲半入南山
梓生事全收北岫薇籬下黃花秋後老尊前白髮古
來稀錢鏐只在人間世湯向江天闕少微

余先世祖周而宗魯昉于漢昌于唐別祖思立
公徙歙西略繼別而下分族而居無望高陽高
辛殆庶幾乎十六族矣迄今丘墓相守慶弔相

通戊子賓興則玄成爲余吾近屬也玄成余易
之字其名懋功將與計偕余從諸父老昆弟餞
之祖道驪駒且發爲賦七言近體一章

由來越國競箕裘此去儒冠拜冕旒百代宗盟周
子姓專門經術魯春秋爭看正翮翔丹穴更喜高堂
並白頭薦達無勞楊得意公車有詔特相求

送郡太守董公上計

陽春十月到山城人吏紛紛負弩迎北屋新聲歌出
牧單車遠道赴朝正股肱未煖諸侯席骨鯁曾題御
史名指日賜金迴五馬承家經術重西京

送程孟孺應辟京師

乘風陽鳥塞門迴挂席春湖水鏡開筆陣承家長樂
尉詞林動地豫章材豐城素練遙千斗燕市黃金正
築臺相送不須翹白首天都直北是蓬萊

元素師黎秘書得視含會葬令子由天官部出
叅江藩元素索余贈言往謁分部

誰能折簡絕山公瞥見通家到孔融彭蠡征帆開夜
水羅浮宿草入春風霑衣泗上聲俱失吹笛山陽曲
轉工緱嶺倘留丹訣在幾時跨鶴大鄆東

余少游蘭谿三洞乃今畢歸少宰公仍搜一奇

曰玉露因寄題七言近體一章

河陽猶憶舊行春
洞口桃花幾度新
一自山靈歸學士
更擎露掌出仙人
藏書石室孤雲裊
啜茗池亭獨鶴馴
不用研朱供點筆
六虛元與太初鄰

丁明府計還過海陽夜集

栢梁宴罷露華晞
河朔尊開暑氣微
人代羲皇容我老
神州茂宰似君稀
薰風直刷蒲稍馬
涼月平分薜荔衣
舊國棠陰還一息
他時回首思依依

再集落石臺

誰嵌孤亭半壁牢
陰陰栢俯江臯方
隅截海迴千

雉角嶠衝風時六鰲檻外經行依佛界尊前去住任
吾曹雙鳬咫尺蓬萊近澤畔惟應賦楚騷

周叔宗問法東歸

何勞一錫自滄洲更載三車到白牛珠藏牟尼鶯子
獻金函舍利鴈王留兩師久待浮杯渡天姥遙招倚
棹游石上浮生君莫問前身宛在虎谿頭

旱

歲占依舊火雲連雩祀經旬赤日偏箕畢虛勞躔六
月巫尪何計叩三天薰風乳燕飛難起炎海驪龍卧
愈堅白壁已拚群望盡從今不易汶陽田

秋後二日得君御書

城頭片雨逐風迴，秋至蓬門未擬開。
夢想容輝孤枕狎，謫居消息一書來。
籃輿處處歸陶社，湘水年年弔楚材。
賴是天公憐汝在，客星殊自傍蓬萊。

函中喜翁晉至

何來谷口破烟霞，叢桂淮南未著花。
龍種三秋踰絕域，鴈行千里到通家。
披襟入坐雄風滿，把酒論詩畏日斜。
賦客同時今有幾，相逢握手失天涯。

招吳翁晉入白榆社

歷歷枌榆白社私，翩翩公子復何之。
交情四海殊兄

弟經術專門總父師獨立支藜甘自老群雄按劍恥
爲雌采薇許代吳粳飽坐待東籬菊滿枝

許公子遣歸營葬祖妣畢使還朝

里門爭得下車遊魂斷邱山土一杯家國承恩封
馬鬣君親報命向螭頭廣陵槎度濤初上長樂朝
回月尚留都市謾勞輕執轡戾生物色摠難求

送丁明府應召北上

茂宰承宣自主恩驪歌當戶促離尊驂騑一入傾
燕市鴻雁雙栖悵塞門白社傍誰寬日月蒼生仗爾
幹乾坤繞朝執策猶堪贈莫道支離欲斷魂

送從子濛之廣陵取道金陵

長淮高鳥正南翔
爾獨持裝俠少塲
到處相逢青眼在
承家只數白眉良
刀頭霜月分江國
帆腹天風度野航
乘興倘過何水部
好開東閣望吾鄉

其二

別墅彈碁憶謝公
舊家燕子客秋風
金陵王氣山靈肅
玉樹商歌水調工
古寺逢僧應問法
新亭結客幾稱雄
投鞭那許窺天塹
白首尊前罷折衝

太初工琴茲挾禁方游
闕下蓋高陽氏諸孫
也贈七言一章

聞君一曲廣陵散，辭我三秋燕市行。
醫出相門專國手，方從仙隱嗣家聲。
沙堤納屨無留跡，蓬巷懸壺好避名。
白首鍾期今重聽，蕭蕭六馬共關情。

中秋集函中待月得雨同宗漢翁稭公觀賦

相期明月步城隈，三五平分上客杯。
烏鵲旋應遮桂樹，蟾蜍漫自蝕瑤臺。
尊前木葉秋聲急，笛裏關山暝色迴。
深夜燭龍鞭不起，翻將燭火闢珠胎。

其二

城頭片雨度林臯，散入天風八月濤。
忽漫征鴻驚酩酊，相將浮蟻破蕭騷。
狂拚空翠沾單袷，老怯清輝逼

二毛莫怪雨師無籍在秋原萬戶正嗷嗷

送張公覲之南雍末句懷張司業

結髮當年冠楚材恰逢神女授綏迴歌傳郢曲人難
和價定秦城璞未開綠鬟憑陵鸚鵡賦青藜睥睨鳳
凰臺南都併入張衡賦一寄霜前白鴈來

太函贈公覲

南樓坐嘯散江湖回首清秋獨攬梧一自桃源辭世
路誰堪蓮社入吾徒楚妃殊色捐中帶野老虎名負
大巫千尺虹蜺君自截一鉤聊贈紫珊瑚

王令公齒登大耄于其初度祝以七言近體一

章

君從劒閣跨胡騶萬里歸來倚蒹葭籬下正逢黃菊
老峰頭好伴赤松遊承家有子鳴弓在報國當年戰
血留東望蓬萊應咫尺泱泱大海接營丘

沈士範自宛陵至爲太史公乞碑

相逢縞帶紫游韁尚憶斑衣白玉堂舊業龍門傳太
史新碑馬鬣倩中郎存亡原自關人代陟降還應在
帝鄉峴首不禁千古淚倘乘風雨到陵陽

埭村李次公爲相國文定公介弟今杖矣近屬
諸大夫起居廣陵因附里言爲壽

甲第支撐撫太虛蓬萊只尺接華胥相門屢滿秋叢
桂客俎殷蒸海大魚繞閣官梅俱挺拔承家仙李更
扶疏踏歌忽漫汪倫至湖外青蓮炯自如

送吳孟嘉從督學方使君入蜀兼呈使君

蜀道馳驅十月初蕭晨結束五車書鳴鞭恰並飛黃
轡濯錦遙翻織翠裾殊俗閭閻還揖讓同時詞賦待
吹嗟客星獨伴乘槎使卜肆君平術未疎

其二

望望蠶叢行路難翩翩意氣拂征鞍五溪部內裳衣
古萬里橋西耒耜寬綵筆先傳司馬檄角巾長傍惠

文冠樓烏列栢風霜在明到炎方也自寒

其三

巴江三泐石濺濺驄馬嚴城落日邊兩岸猿聲闐急
峽千尋鳥道蹴高天壚頭犢鼻招浮白几上烏皮任
草玄益部樂章歸大雅好從魚腹寄遺編

其四

都亭杯酒立逡巡何似雲安麴米春負弩偏勞彊項
令携琴一問倦游人霞開水郭桃千樹山吐蛾眉月
半輪寂寂浣花谿上路風流百代到吳均

喜聞龍君御進國子博士

海國傳經自主恩十年通籍又橋門吟邊白雪王
程蹇到處青衿帝里尊鼓篋肯容嘲坦腹賜環何
用賦招魂酒人散後空燕市莫問壚頭慣鼻禪

即事寄大司寇王長公

南箕何意簸招搖東海經年破次瀟公望鼎彝縣四
世主恩日月繫三朝輕身自負銖衣在傲骨寧容
貝錦銷傾耳昌言須入對恰從巢父避神堯

其二

望望雲門玄扈樓相期七聖愜神游肯將出處憑黃
口誰任安危判白頭卿月常依鵲觀法星遙映鵬

鶴裘新亭舉目饒冰雪天塹依然萬古流

張孟奇至自秣陵王長公爲之紹介孟奇出郡
大夫董公門下舉春秋第一人茲還廣陵率爾
有贈

南都賦就作金聲舊燕堂開倒屣迎袖裏尺書移八
座牀頭斗酒傍孤城幾年不問家人產到處爭傳國
士名寂寂白榆空谷夜誰投合浦一珠明

其二

殘年襜褕更天涯油檠輕車白鼻駒繁露春秋尊董
相寒宵牛斗辨張華歌傳客里雲門雪興在官梅水

部花相對玉壺冰
徑尺疑從姑射到山家

舟泝大洋喜宰公至

山海悠悠會面稀
相逢江上把征衣
依然秋水芙蓉秀
可是春盤苜蓿肥
袖裏驪龍君與乘
席前鷗鳥我忘機
到來早覺東風煖
乍見迎櫓社燕飛

登文昌閣

維舟何處豁心神
江閣晴光度綠蘋
倒卓江流開雨雪
平臨閣道拊星辰
敢云斗口干吾黨
恰喜天涯到故人
東望漁磯今見否
披裘有客坐垂綸

贈國醫程龍溪

上池千里下青谿挂席還過練水西特室昔承黃帝
問禁方今作小兒醫來時睨睨林鶯合到處逢迎竹
馬齊天外芙蓉三十六何如此地上巖棲

送程孟明之廣陵

離亭千樹度鶯歌一折長楊柰別何寒食東風猶自
峭蕪城春色已無多傷心錦纜空魚藻回首青門有
雀羅自昔江都經術勝下帷燈火莫蹉跎

聞鮑丈歸自青谿園中寄贈

尔向青谿獨飯牛何如潁水避巢由江臯老去雙蓬
鬢里巷歸來一敝裘傾倒百巡爭避席憑陵四座擅

藏閹匡牀自笑頭空白猶憶當年俠少游

王尚書元美得謝歸吳

結髮承恩到白頭君門萬里乞滄洲
鷄鳩舊有瑯琊樂彩鷁今無灩澦愁
瞥見星垣移北斗誰憑天塹挂中流
五湖一任投竿去未許鴟夷恣拍浮

其二

九鼎安危仗老臣尺書容易遂閒身
地荒三徑歸元亮天豁重湖落季真
蠹簡相將翻二酉牛車莫漫出三秦
頻年鳩杖留黃髮何得鷗羣見一人

其三

千秋風雅避詞鋒四海聲名仰岱宗
捉鼻不禁投麝鼠掉頭聊復托雕龍
豈耽身後留玄艸已謝人間傍赤松
却笑倦游機未息還從漢使勸東封

其四

次第東門餞二疏都亭冠蓋儼如初
丘中宿艸縣車後池上蟠桃曳履餘
家近蓬萊成獨往樓開花萼悵離居
天涯兄弟仍吾黨倘許扁舟過敝廬

奉寄許相公七言近體四首

明時揖讓儼陶唐瞥見徵求出潁陽
東觀橫經分講席上林奏賦擅詞場
提衡總攬三千士補袞俄成十

二章故里只今巢父在毋勞回首白雲鄉

其二

沙堤衮衮簇繁纓劔履遲遲出禁城戶外下車延白
屋楹間側席問蒼生曳裾東閣平津盛散帙中宵太
乙明一息華胥銷鞅掌俄聞長樂度鐘聲

其三

大鄣千古閼神臯相府開先獨建旄七尺祗從王事
老九重寧使聖躬勞憑陵黃閣心逾折徙倚青
門首重搔狂態可能容叔夜窮交未許絕山濤

其四

草莽浮生任我愁
菟裘勝槩代君探
春帆半落銅官渚
天鏡全開玉女潭
騏驎尚期千里竟
鷦鷯倘許一枝參
直愁七聖留中路
還傍孤城老太函

寄贈大司馬王公七言近體二首

君從清廟奏鑾刀
坐見扶桑斷海鰲
欵塞九秋闐汗血
籌邊五夜耐顛毛
柴桑不問家人產
杖杜爭酬國士勞
野老雙縣天畔眼
遙瞻太乙鳳城高

其二

曳履銅龍動聖朝
飛書金虎下天驕
預知舊業授玄鳥
好待新恩續紫貂
魯國談經傳豸韋
漢廷負屨

系驃駝驪珠計日擎君掌爲倩波臣報寂寥

仙令圖爲彭明府賦

皇居宛在白雲鄉仙籍潛通赤縣郎南極提封懸列
宿中宵曳履入明光烟霞萬里雙鳬下城闕千尋五
鳳翔咫尺天顏如有喜金門不數漢東方

寄同社呂主爵玉繩

故相朱門揜徑苔仙郎綠鬢映宮槐平津閣外沙堤
隱太液池邊水鏡開漢署提衡擎國手齊封躡屐佩
刀材故人豈爲彈冠喜世路紛紛莫浪猜

其二

白榆秋社歟離群黃鳥春聲轉憶君莖露深霜華省
樹爐烟遙引敬亭雲論交一札春前寄啟事千言海
內聞舉目玉繩天北極踈星猶聚漸江濱

龍門圖爲司馬蹇公賦

漢庭司馬擅龍門秘閣靈臺洽主恩東走滄溟掀碣
石西穿星宿瀉昆侖傳貂累世家聲競貢馬千羣國
士尊聞道洗兵收武庫試看諫獵到詞源

近體調龍博士

曾從絳帳列生徒又載扁舟出五湖春色不隨湘浦
盡桃花得似武陵無臨邛犢鼻心逾壯京兆蛾眉色

並殊國子先生官獨冷何來三斛貯明珠

送叅知龔使君入賀

曾賜嘉禾冠列侯俄看露冕入神州面陳天鏡千秋
錄背指江城八極樓征棹直隨青雀去遺宮尚憶赤
松遊栢梁宴罷君恩重依舊黃金絡馬頭

去疾由閩抵任新祁先過函中夜坐

正耐城烏送夕暉何來汗馬到郊扉披襟謾對雄風
坐衣繡寧誇晝日歸列戟沙堤依相府孤城刁斗寢
戎機故園任道青門近大漠還看白羽飛

其二

門無竿牘任逍遙客有牙璋破寂寥老去書傳關令
尹歸來笳競霍嫖姚深談倒卓明河影危坐平臨北
斗杓回首武陵吹笛夜當年髀肉已全銷

送潘閬帥之任滇南

鳴鞭迢遞度重關分閩西南控百蠻大樹陰連朱雀
路前茅風指碧雞山石鯨池上戈船絕金馬祠邊幕
府閑涼月盈盈秋萬里佩刀聊爲引雙環

其二

千雉金城天子鄣懸軍死在白雲鄉攬槍久墮江湖
黯睥睨遙瞻日月光帷幄由來尊上國車書何處

問殊方漢家一片燕然石好待論功瀚海傍

題遷喬圖

翩翩五馬使君殊露冕行春天子都幾見習池歌出
牧還從栗里過潛夫青松謾謾峰頭出黃鳥嚶嚶谷
口呼到處棠陰遮父老那知陌上有羅敷

題清白圖

五溪鳴瀨石磷磷三輔潛回大地春風濟瀟湘塞帝
子月流姑射到神人潁城下食琅玕老水部高吟篋
筍新自是漢家清白吏歲寒心事倍相親

聶少翁入歛爲其先世祠墓立碑畢事還烏衣

贈近體一律

郭外松楸蔭古祠
淮南桂樹發新枝
一杯未沒長陵土
七尺俄成有道碑
遼海月明當睥睨
緱山雲駐度參差
丹梯絳節君家事
回首天都有所思

輓朱母顧太君_卒八十有四

一稅魚軒竟縞衣
蕭蕭黃髮不寒闥
北堂機杼孤孫在
南國桑麻屢歲非
令伯報劉悲此日
星精失婺有餘輝
化身疑作瑤臺月
青鳥休迎步輦飛

秋杪集許將軍城上園林得楓字

連城睥睨戍烟空
此日登臨賦客同
萬里邊聲來白

鴈千林秋色入丹楓江關我自禁蕭瑟樽俎君應待
折衝好向平原西出獵輕裘細馬擁雕弓

館甥程茂才籍郡博士弟子

繡衣使者惠文冠牛斗熒熒劍氣寒南國經年收竹
箭尚方指日作琅玕仙郎新綰芙蓉佩博士平分苜
蓿盤先達尚餘雙白鬢而翁而舅舊登壇

其二

伏生垂老避人徒魯壁殘編授女雛正喜衡門闐氣
色即看章甫上頭顱解頤匡鼎工傳業驥首燕臺待
應圖見說漢家方尚少早乘羽獵賦誇胡

溪西秋望

乘興登危倚化壇微霜昨夜度江干五溪木落魚梁
急雙樹林開法界寬空谷泉聲飛雪竇中流塔影截
風湍翠微深處通樵徑招隱誰來碎月灘

得周使君書卻寄

枌榆搖落靜蓬門風雨時時晝日昏忽漫一書來越
雋相將雙斧劈崑崙蛾眉肯學新粧媚牛耳誰當上
國尊安得遺珠擎赤水好銜徑寸報君恩

四望樓紀游四首

春夜同程司徒觀燈

盈盈卿月逐車來冉冉官梅傍閣開欸忽燭龍迴陸
海分明結蜃出樓臺巡簷細數銀花樹列炬平分竹
葉杯檻外采雲低不度俄看雙鳳下蓬萊

夏日同戚少保納涼

千年河朔興誰同十日平原酒不空岸幘當樓延爽
氣披襟入坐擁雄風涼生冰雪神人境目極烟霞帝
子宮握手相看俱白髮逢人莫漫賦彤弓

中秋速董府君對月

銅鞮處處踏歌新天末涼風到白蘋禾黍行邊車五
馬河山望裡月重輪南樓地主依元亮東海波臣縱

季真中夜乘槎秋水落金波
裊裊石粼粼

冬日陪董府君對雪

群玉山頭雪漸深
相將乘興入山陰
當筵敢負梁園賦
比屋爭傳郢客吟
一任花神良夜散
莫教菜色苦寒侵
郊關不用呼篝火
樹杪河乾月未沈

送萬御史謫劔州

臺郎一著惠文冠
拂簡飛霜直北寒
萬死官容吾道在
一宮殊覺主恩寬
馬頭雪色巴山度
斗下龍光劔閣看
九折羊腸行色壯
不知何處是長安

其二

豐碑七尺令君祠正憶當年待哺時花事春迴仍爛
熳棠陰臘盡未參差人憐一去孤臣遠天遣重過茂
宰私父老隔年思見面雙鳬欲下復何之

贈國醫洪守貞

尔佩洪崖肘後方承家好在白雲鄉半鎗頓起千人
廢一匕寧容二墮藏滄海潮生遙噴雪園林橘老飽
經霜誰從特室傳丹訣咫尺霞城叩上皇

十日夜月邀去疾過函中時與少連子矜分得
聞字

十日氤氲黯不分孤城睥睨悵同群王春月色今宵

得子夜歌聲幾處聞
杯酒柴桑開里社
盤飧苜蓿共
夫君肯容醉尉呵
歸路寶馬金貂
霍冠軍

贈盛秦甫

共道長安接太行
肯容高坐據華陽
韓鷹忽度期門
騎市虎俄成結
客場魚腹生還
寬夜水鵑冠老
去耐
秋霜路傍按劍
休相問袖裏明
珠好自藏

太函集卷之一百十八

太函集卷之一百十九

新都汪道昆伯玉著

七言律詩一百六十一首

春首謁玄天太素宮

莫焚重開四葉新桃花先放五城春
封中雲起標玄時望裏峰攢奉紫宸
地盡蓬壺雙老眼天容杖履一閒身
祈年絕勝千秋觀乞得黃冠作道民

其二

千盤曲磴蹴逶迤百竇流霞噴陸離
間道凌虛雲冉冉爐烟當午日遲遲
云亭不數秦封禪圭壁頻來漢

祝釐玄袞分明勞陟降白衣髣髴漫相疑

其三

石戶雲開絳節通金莖露下羽衣蒙九霄冠佩朝羣
帝五夜笙鏞動合宮斗柄平臨天直北車輪俯瞰日
從東殘生不慕人間福率土還祈歲事豐

其四

中天閭闔度皇輿北斗旌旗閃帝居春迸嶽蓮呈菡
萏月留宮樹醉蟾蜍清齋但飽彫胡飯高步重探玉
笈書漢帝不須求禪草老臣才力勝相如

姻氏鄭丈五十

谷口何人獨息機
條風忽漫入初衣
家聲奕世成真隱
斗氣中宵罨少微
避地祇應耽習靜
行年不用問知非
河梁東去滄洲近
誰道人間樂事稀

竹坡許翁暨偕老

中原結客似君稀
再散千金掉臂歸
入越豈緣生事拙
逢堯終與世情違
池頭傳信三青鳥
庭下承驪五綵衣
翻咲鹿門甘澹落
他時子舍遞光輝

春日肅郡守相董太公暨莊公鄭公集諸天閣
十寺鐘聲報曉晴
半谿塔影弄空明
慈雲擁閣諸天現
弱柳垂堤五馬行
谷口白鷗春泛泛
樹頭黃鳥午

嚶嚶晚來正耐東風軟移席迴廊命短檠

其二

近郭行春野老同大堤直與化城通恍疑山閣銜丹
鷺瞥見河梁落采虹雨後祇應親佛日林中况復對
雄風虎谿日暮攢眉去不信匡廬有遠公

喜胡元瑞至

官柳纔舒谷鳥迴仙源誰叱石羊來望中屬地關門
氣坐上談天碣石才練水遶城連睥睨蓮峰當戶闌
崔嵬武陵面面花饒笑千樹東風五夜開

招元瑞入白榆社

結社粉榆半陸沉維舟江浦一登臨浮雲生事烏皮
几流水遺音綠綺琴社鼓相將鳴谷口春帆信宿到
山陰不緣白雪驚人語誰識青門避世心

寄贈梅禹金應貢北上

夙昔陵陽穴鳳雛羽儀纔見起榛蕪櫝中白壁寧論
價臺上黃金已應圖江路魚龍迎畫鷁澤宮鴻鵠破
雕弧長楊縱出連雲騎細柳那堪薄亞夫

其二

萬仞天都控上游君提三尺割鴻溝齊盟高時當牛
耳漢塞雄飛屬虎頭帝里衣冠通宛洛仙家劒履

入瀛洲北來碣石風波惡莫向燕關問蒯緱

聞直指傳使君起告還朝時有邊事

羽書肅肅入長安
驄馬蕭蕭赴上蘭
北關風鳴玄武
仗東山雲擁惠文冠
繡衣映日龍顏近
白簡飛霜
豹尾寒三表
倘承宣室問
重瞳應作賈生看

其二

詞臣消渴一歸來
回首金莖出露臺
懸象巖前逢特
達藏書柱下擬
重開銅龍五夜邊
籌入鐵馬三秋戰
角迴早晚漢宮聞
奏凱君行法酒宴蓬萊

景真邀遊南山之南張幔行酒俗名烏石突今

改名幔亭山余與元瑞同賦

玄都迢遞度踈鐘
錦石峻嶒挂古松
地主能搜郛縣酒
天孫應擬幔亭峰
下方仰視雲端戲
近市平臨日下春
直北霞城剛咫尺
倘逢笙鶴可相從

潘次公吳叔子各以舟筏載酒同泛巖谿即事
蘭舟竹筏互相將
潘岳吳均興未央
一任雪濤噴石瀨
忽來風雨避河梁
簪裾雜坐初筵亂
簫鼓先驅故道長
夾岸爭傳三婦艷
誰能一曲顧周郎

恭陪董使君遣祭胡少保

伊昔流言簸海東
而今哀詔下隆中
三朝不改河

山誓九地仍修社稷功使者乘軒來絳節居人掩袂
泣彤弓營丘宛在揚之水日暮泱泱起大風

其二

都官新出水衡錢地主躬臨俎豆筵百戰功存思鉅
鹿孤忠論定賜祁連春迴宿草風雲合天盡扶桑日
月懸翻憶漢家恩自薄伏波銅柱卧蠻烟

四月八日奉壽太守董使君

岳麓風雲護大椿關門氣色駐真人壽星直指魁三
象法水新蠲丈六身閣上清和那受暑尊前揖讓盡
還醇誰云特室無僊侶忽到初筵有道民

代吳肇成爲王門翁媼五十壽

漢家方朔是前身帝所詼諧有弄臣王母仙桃雙獻
壽細君社肉一遺親咸陽鳳下吹簫侶靖郭門高降
嶽辰玉樹合歡剛百歲瑤臺彌望更重輪

新野王孫孔炎曾孫子厚父子並薦於朝有作
天屬分封誰大名炎劉傳業本更生家聲好在青藜
閣心事長懸白馬盟一自薦書通左掖雙瞻召命
下東平南陽計日龍俱起不數雲臺百戰成

壽八十翁劉濟夫時其子一然應試

拔劍朱虛故陸梁投竿清渭更鷹揚誰憐將種栖窮

巷自擁侯封得醉鄉洞口尋真仙侶狎尊前頌聖世
情忘淮南叢桂乘秋蒞冉冉天香度射堂

贈處士何子中時客殷尚書所

逍遙白髮丈人翁縹緲丹梯帝子宮一任清狂辭水
部肯容懶慢絕山公游仙塵市形骸外結客夷門意
氣中曲宴不禁河朔飲初衣長接芟荷風

送近屬諸子士元應試留都

陌上花驄白面郎淮南桂樹出宮牆專門經術承中
壘遙羽鄉書上太常白露園陵瞻王氣清秋雲漢挾
天章兩都文物誰傾國三世詞原尔擅場

王丈孝思

最憐垂老白霓裾遺恨當年廣柳車業廢蓼莪非典
午風搖松檟是臯魚孤丘日落精靈在雀扇涼生涕
淚餘華表鶴歸明月夜關河秋色幾躊躇

寄蔣婚氏振民時居建業

大隱何須遠市囂高枝耐可託鷦鷯由來風壤連三
輔况復雲山傍六朝蔣徑幾秋曾采菊秦樓何處更
吹簫江臯一下浮丘鶴悵望新亭未可招

大司成張公至志喜

南都詞賦擅張衡北極招搖指漢京駟馬乘橋經故

國單車取道借嚴程里門爭覩鳴鑾入縣郭寧辭負
弩迎徑尺永壺秋不暑清齋重對太常卿

七夕去疾載酒函中

輕車小隊命軍持當戶披襟正接羅井上梧桐流火
候尊前風雨渡河時坐憑爽氣烏皮几歌徹涼雲白
苧辭底事千秋悲宋玉踈籬深酌即吾師

招張大司成入白榆社

叢桂菲菲著落霞明河歷歷到浮槎遙瞻牛斗中宵
氣死在龍門太史家指點青山如洛下歸依白社豈
天涯尋源好趁秋風爽衣繡寧誇晝日賒

其二

濯錦沙明漸水灣
垂天雲起秣陵關
一從金馬瞻黃石
蕪綰銀魚赴碧山
涼月三秋紈扇滿
清尊十日布衣閒
懸知諭蜀才難盡
更賦臨雍手自刪

白岳逢李明府時祝海陽載酒相從

仙令生從太上家
相逢玄圃探烟霞
車屯紫氣重關樹
峰簇青蓮十丈花
地主一尊傾卓斗
天風雙眼盡流沙
晚來萬壑雲俱滿
歸路翻疑泛客槎

其二

清秋好在白雲鄉
官閣何來玉女漿
孤鶴亭亭經海

曲雙鳬冉冉起華陽水亭列籍涼風至石戶披襟爽
氣當瞥見峰頭明玉燭却疑初日上扶桑

送吳田父侍彭令君應召京師遂游太學

垂白臨岐勸客杯飛黃得路入燕臺居人未辨連城

價大匠先收萬乘材奉檄親闈經澤國時令君取臨

雍仙仗下蓬來豈緣薦達希前席一借扶搖薄上台

其二

降王何事屢干盟年少寧容獨請纓客挾一經歸上
國人誇五字作長城高談碣石金天淨緩步橋門壁
月明莫向曲終歌變徵只今燕市幾荆卿

送景真入蜀兼寄周使君國雍

蕭瑟關河木葉聲
青天蜀道事長征
雲開巫峽三秋
圻水落巴江五夜鳴
乘興一搜神女觀
問奇重到錦官城
尚方倘索誇胡賦
直北翩翩駟馬行

其二

憶昔山公領郡年
每從池上望西川
風塵幾載歸垂
白鉛槧何人擅
草玄築室函三
吾獨卧題書尺
一尔相傳怪來蜀
犬俄無吠明月
盈盈萬里懸

幔亭山登高分韻得頭字

亭午楓林宿霧收
登臨猶得及清秋
浮雲晴逼千山

老落葉霜分萬木稠
陂陀不妨歸酩酊
蕭疎耐可恣夷猶
莫教皂帽垂纓紱
四坐相看獨白頭

送翁稊北謁陸太宰于秩宗乞先恭人墓文

尚方自昔辨飛黃
北斗于今揭建章
劒脫千金輕季子
碑鐫七尺重中郎
麻衣不盡江湖淚
綵筆平分雲漢章
見說鮫機俄已斷
僅留鷄骨耐支床

荅陽夏周明府

南浦風雲擁豫章
中原鞭弭奉周郎
鳴琴宓邑齊傾耳
授簡梁園獨擅場
匹練呈圖河更出
尺書繫帛鴈孤翔
遙看夜氣干牛斗
分得豐城劒一裝

其二

黃冠辭漢首慵搔綠綺携梁調轉高二室烟霞生綠
筆孤城風雨到綈袍壯心直俛三河水病色能蠲八
月濤倚杖清秋時極目天風獨鶴起臨臯

辛卯秋九月洪守貞初度及耆其甥陳柴中索
余一詩爲壽

羣僊冉冉雲中下叢菊英英露未收南海逍遙九萬
里上池斟酌八千秋懸壺市肆俱青眼岸幘霜天正
黑頭野老尚堪同跨鶴拍肩準擬到滄洲

海陽金子實狎游青谿蓋漸江之遶郭者也自

水田身
卷之二十一
九
彊及耆善不佞兄弟于其初度帥二仲壽之
千秋霜色逼谿清百里流霞薄少城析木平分銀漢
界桃花翻入武陵行美人江浦勞捐珮漁父滄浪任
濯纓西望嶽蓮承玉露相邀五老挹金莖

其二

赤縣連雲擁素封朱門入夜動歌鐘爭如徑僻耽元
亮况復園荒儻曼容洞壑龍吟迴夜水江臯鶴唳劃
晴峰三茅或恐前身是靈壽相將贈短筇

至後二日爲許母太夫人初度蓋始稱老云叔
子去疾從余游賦詩二章爲壽

青門懸悅颺新都彤管當筵賦大家韎韐承驪雙系
袖蓬萊獻壽一冰壺樞喧聞外飛黃馬幕下城東頭
白鳥向夕鐃歌傾四座徘徊中曲鳳將雛

其二

曾餐帝里石林霞爭似侯家子母瓜壽酒春偷青竹
葉仙源寒讓碧桃花六珈耐老分霜色一線迎長駐
日華方朔談諧身謾隱麻姑嚙背堪搗

聞陳季迪度淮與計偕北上有懷陟屺故末句
及之

翩翩君自建安才燕市黃金更築臺積雪重關高鳥

下垂天萬里大鵬來遙聞善馬辭西域正喜長楊獻
上台白首倚門君莫戀蟠桃春色駐蓬萊

贈李山人和之即事

柳黃初著市南頭狐白何來一敝裘淮海群聲傳赤
羽關門真氣到青牛上林好伴看花入東觀應從戟
筆游明主只今徵草莽不妨寓直觀垂旒

賦來西望瑤池降王母

翩翩青鳥度流沙冉冉玄都落采霞露掌高鶯雙鳳
闕天顏近接五雲車三山春色蟠桃駐萬戶朝暉若
木餘屏後不緣呵執戟歲星那識隱皇家

賦得東來紫氣滿函關

令尹邀賓禮自恭真人避世道猶龍天開佛土黃千
果路入秦關百二重刮目金篦丹鷺引傳心玉笈白
雲封素王誰復當南面問禮由來自瞽宗

四月八日同諸長者子浴佛松蘿菴

老去招提肯憚勞興來隨喜得吾曹虛空忽現黃金
色大眾同瞻白玉毫萬象森森開法界九龍矯矯擁
神臯一從居士分香積賸有青精出近庖

丁明府由西掖奔喪尋以計謫卻寄二首

冉冉乘鳧入直廬蕭蕭風木動臯魚忽驚上客杯中

影還坐中山篋裏書沙苑清塵遮騶駟瑤臺明月薄
蟾蜍逝將烟水供高臥謾向江湘問謫居

其二

幾年草土卧江鄉到底風波起海陽側目道傍拋苦
李傷心境內問甘棠人情翻覆妍媸變世路艱虞出
處妨環堵松筠無負郭誰從給事覓西庄

太守董公再入計罷歸陽城郤寄

獨對公車三十年一麾出守再朝天山公池館仍相
待和氏泥塗祇自憐兔魄共瞻明似鏡羊腸誰謂直
如絃主恩畢竟寬逋客歸及春耕種秫田

其二

帝畿三輔內諸侯屈指新都治理優人代豈應無稷契
聖朝殊自有巢由雌黃鑠骨孤臣放斑白蒙頭
萬事休回首江湖明月夜清秋一上庾公樓

即事贈李本寧

一從鞭弭過夷門再命藩垣荷主恩白簡到來名
轉重青山歸去道逾尊蓼花流水群鷗狎構木高風
獨鶴翻不是椒蘭專雨露千秋屈宋竟誰論

其二

吾黨江湖幾陸沈陽春風物轉蕭森游仙笙鶴歛長

往垂老雕蟲半不禁里耳那堪騎白雪流言耐可鑠
黃金知君八九吞雲夢肯作湘纍澤畔吟

寄贈徐使君

十年松檟鬱成陰三徑蓬蒿歲復侵報國壯心憑倚
劍迴風高調入鳴琴青天湯沐潛龍穩白露園陵宿
鳥深蒿目萬方憂不細賈生或恐履霜襟

其二

空谷幽蘭祇自饒炎風蕭艾佩盈腰林中臭味吾相
似鏡裏容光爾未銷和氏豈應耽石隱終軍未擬繫
天驕舊游亦在江潭曲回首還須賦大招

和許去疾午日感懷

射堂垂柳翳青霞
漁浦濤聲走白沙
何事中洲捐楚佩
忽聞西夏入胡笳
九臯刈艾風猶怒
獨立傾葵日未斜
好飲闕氏蠲內熱
東陵不用故侯瓜

歲壬辰 帝春秋壯矣
鄭相君再入賀厥有贈言

西清露氣沁金莖
南極星精倚玉衡
九五天高龍用壯
八千秋爽兔當盈
御筵再覩垂衣肅
壽域重開抱鏡明
不分隴西連左袵
好從闕下請長纓

即事再送鄭相君時夷方交警

滿耳邊聲盡角哀關心國計佩刀材殊方忽報戈船
入絕塞虛傳羽檄來別駕羊腸輕歷塊朝車鶉尾急
奔雷都人儻問東陵在卧病青門午未開

喜蕭使君叡計還宛陵蕪懷伯兄太史

五夜蓬萊海日新萬方玉帛漢宮春股肱雄郡踏南
極馮翊賢聲動北辰端笏頭披雨露懸金馬首出
風塵淮陽臥治今非昔拊髀誰堪社稷臣

其二

龍種曾空大宛群鴈行爭似小馮君日華采鳳王春
並天祿青藜客夜分長被重開蕭史宅清塵一拂郢

人斤家聲宛在高陽里岳牧夔龍萬古聞

五言絕句

二弟秀才園中合驩杏子

纍纍酣獨樹兩兩結同心好去採青帝春來薦上林
暘上人寫經臺

兜率疑無地維摩信有家三車傳貝葉四壁雨天花
題河上人房

獨夜生虛白諸天接蔚藍空中窺色相悟後失瞿曇
猷中贈朗公還落石臺

相望曹溪水何時問渡來青蓮三十二一一爲君開

其二

抱膝雙林下居然似虎谿孤雲無住着又過石門西

其三

磷磷一片石坐對蔚藍天夜半空潭曲何人到問禪

其四

肯以開金地都忘出世心只今人境絕玄度莫相尋

楊柳干

以下曲水園雜錄

水邊萬楊柳嫋嫋垂青絲去去紫駟馬勿攀楊柳枝

法果菴

水月經行處諸天出世間居然方丈室瞥見須彌山

洗馬橋

客子五陵豪脫裝坐林下石瀨風泠泠橋西看洗馬

竹徑

入戶竹千个中間一徑分南風入林響髣髴彈鳴琴

萬始亭

凌旦見春華寒衣侵草露何來三足鳥飛上萬年樹

孤嶼

野橋乘澗道孤嶼水中央粲粲彼姝子殷勤解佩纓

曲橋

長虹垂千尺琬琬天河邊牽牛渺何許悵望以終年

步欄

仰觀大鵬搏俯視鯨魚駛其中有真人無乃蒙莊子

釣磯

磐石出水上可以當浮槎賴有雙魚美招邀過酒家

中分榭

流水周庭下庭西望翠微憑軒一回首魚鳥相因依

御風臺

我欲乘天風振衣朝太乙如逢王子喬一鼓雲門瑟

饁舍

處處起田歌逢逢過社鼓當杯且莫辭東作亦已苦

濯木庄

明詔下寬租有年今露積但使畢公家其餘佐賓客
江干十二樓

主人好樓居志在探鴻寶儻然下列仙願覓金光草
青蓮閣

傳經從白馬結宇依青蓮下有阿耨水上有蔚藍天
清涼室

已悟無生法都忘最上乘化身猶是幻底作玉壺冰
迎風坐

天風四面至只尺近蓬瀛披襟且安坐試聽步虛聲

三秀亭

商山采芝客持此贈夫君
白日孤亭上英英出采雲

高陽館

草堂臨曲水大似習家池
獨把青荷葉相招白接羅

石林

落日石林西林中出烟霧
樵歌何處郎猶記來時路

玉蘭亭

窈窕幽人宅時聞王者香
願言薦瑤席五夜下東皇

止止室

一室謝人徒十年窮老易
笑殺揚子雲至今玄尚白

釣璜磯

以下饒中雜詠

任公懷獨繭一舉出吞舟即使徵車下滄洲未可求
棧

谿路石斷斷臨谿乃乘木牧人溪上歸日暮騎黃犢
一息

避路依巖阿亭亭巢居子坐見天門開誰云混沌灰
石溜

中流亦已涸石上且流泉谷口薰風至誰其奏五絃
石林

立石山之半英英出白雲山風除閭道儻下雲中君

桂竹灣

竹樹交茂陰行行此谿曲坐嘯滄浪天因之濯我足
石礧嶺

千章嘉樹林一一通雲霧何物采芝人長鑱在中路
飯牛蹊

石瀨生春水牽牛飲上流伊耆去我久誰復問巢由
方舟榭

好在鴟夷子維舟一水隈祇應藏大壑何用到蓬萊
西枝室

高臺近上方無數菩提樹月出西枝西灘頭流水住

鹿谿

群飲下長林
踟躕春草色
願言駕斑龍
相過浮丘伯
冷風閣

山靜生群籟
樓居近百層
披襟當結綺
六月玉壺冰
華陽館

千仞青夫容
其陽布函丈
談經白日深
宛在羲皇上
樛木亭

亭上鳴鳩急
松杉鬱不開
莫教風雨惡
或恐故人來
泖洲

褰裳杜若洲
鷗鳥亦來集
曳杖歸去來
相期復明日

扈蹕行營

以下王將軍園雜詠

草昧略神州招搖懸巨闕羽林白露秋刁斗青天月
翠華西閣

閣道凌千雉期門扈六龍
人將進酒樹杪落歌鐘
淬劍池

歐池水不波越砥宵如練帶甲倚匡牀明朝趨帳殿
千雲亭

雲來天子都亭出將軍樹徒倚望芒碭有人頻倚柱
青門

石磴通翠微高眠在陰洞咲殺種瓜人勞勞甘抱甕

食芝室

懸崖一室牢其上烟霞起相將
茹紫芝或可招黃綺
舉柸處

混沌何曾分團團逐處圓
莫辭柸入手不礙月流天
釣雪磯

渡口五谿雪磯頭獨繭絲
他時漁瀚海一組繫閼氏
紫筍坪

英英金破甲曄曄玉生香
千畝封君富應輸垣一方
香柑塢

微霜秋欲杪一樹千黃金
試聽江南頌居然郢客音

撫松亭

秦封寧足就陶令且相依明月枝頭宿寥天一鶴歸
斤竹澗

澗道樹檀欒猗猗秀可飡步澗一倚杖風動青琅玕

投轄處

以下遂園雜詠

麟麟長者車傾蓋何刺促一室水中央主人說其輶

東雅小隱

大隱不離群大雅不離市林鳥且勿誼問奇誰氏子

南樓

底事好樓居當樓煩夏木居然秀可飡良以望吾腹

小有天

側身入洞口中
有滄浪天匡坐
竟無暑何勞揮
五絃

篳門

編竹啓雙扉
披襟乘百步中
林任逍遙其上
細烟霧

長春陌

陌上重回首
繁華併作春
那知春去後
猶自殢遊人

楊枚亭

翼翼出紅亭
鼎鼎綴朱實
名家結二豪
終古稱一律

最上一乘

尔登般若岍
直上須彌山
萬象無生滅
孤雲自往還

臺

金鼎時雲門翠華憑玉几攝衣百尺臺天末薰風起
伏犀坪

桔槔豈不勞莽蒼亦已廣經尺角爲坪抱甕時獨往
六虛閣

阿閭直三尋交疏通六合誰其駕采虹咫尺凌閭闔
薌澤亭

初衣待芟荷冉冉疏芳澤木末坐孤亭天風岸吾幘
靈露泉

冽彼山下泉輓轡供五畝烹茶勺半鐺得似中濡石

鑒止室

木檻替方舟維之藏一壑風行水不波靜坐觀魚樂
清涼界

白日到西方清陰匝初地擊石忽一聲如聞不二義
古佛菴

南海現真如法身自無始肘後柳枝生耳畔潮音歟
積翠樓

西北出神樓岩岩當帝時樓頭笙鶴來云是緱山子
玄玄堂

流沙亦已遠函谷且停車正逢關令尹留君彊著書

陰堂

手植松二章相將高百尺伏臘薦馨香依依芘宗祏

南榮

鑿坏室南端四壁羅圖史端坐且看山山風落松子

最高處

以下松山雜詠

幽事在林丘聽鶯到上頭遠村當落日長薄帶春流

潛林

新阡近市喧荒徑無人掃日上落潭松露晞翻墓艸

松塢

偃蹇干雲上霏微帶雨濃只今在空谷疑是避秦封

竹林

林中侶伴稀病起酒初熟岸幘坐蒼苔題詩滿青竹

象塘

檻外群鷗戲沙頭春水多山翁來取醉不厭小兒歌

蘿荃山

徑仄薜蘿長春深草木稠端居愁積雨拂羽復鳴鳩

黃蘿峰

避喧依北閣隱几見南山安得盧敖杖攀躋積翠間

金竺巖

名山控州里絕壁過雲霞碧霧千章樹青蓮十丈花

南溪

負杖溪上行
溪喧石齒齒
沙迴烟樹平
錦帳開十里
西干

羣山青
不了十里土
微平傲吏慚
通籍西疇事
耦耕

十松

以下潭上園圖詠

落落溪上松
陰陰交雨色
何哉五大夫
偃蹇泰山側

漁社

漁舟江上晚
日日市村醪
却笑任公子
何年得巨鰲

黃石潭

好在河梁上
青天數舳艫
只今逢老父
不用問陰符

谿上樓

野橋新水至草閣傍江開謾把漁竿去江頭細雨來

黃墩道中

風磴空山道晴沙嘉樹林行行吾且止白松下松陰

其二

千載梁公子彎弓殺怒蛟至今留大樹猶似擁前茅

口號戲荅王仲房

易水秋風急蕭蕭一騎歸新知無徇監舊業有牛衣

過挂佛石

亭亭松下石舟駛不留行腰下雙龍劍延津待合併

其二

片石落徂徠中流作河鼓迢迢對析津
軋軋自鳴櫓
題畫竹

嫋嫋青琅玕娟娟落國手窓前出一枝
渭曲勝千畝
題畫贈翁秘

枯楊亦已美好鳥那無住戢翼任翻飛
上林有嘉樹
六言絕句二首

過由溪玄君廟

百仞仙壇天上千年帝時人間絳節忽來風雨玄都
何處雲山

其二

真氣長浮黃石空
明遙接丹丘宮
闕天廻北斗旌旗
星動中流

太函集卷之一百十九

太函集卷之一百二十

新都汪道昆伯玉著

七言絕句二百七首

戚將軍入閩破賊賦十絕句

秦川負固擁千羣
漢節徵師下五雲
西去不須司馬檄
南來知是伏波軍

平明結束出轅門
西度關山落日昏
不惜鳴鞭凌鳥道
願從汗馬答君恩

秋夜漢軍飛度江
行營雙引碧油幢
早聞比屋思歸順
爲築三城擬受降

關河不見行人度瘴癘疑從殺氣開共說彈丸憑地險不知部伍自天來

涼風初動縵胡纓明月高懸都護營海上三秋傳露布天南五夜墮欃槍

危巢已覆蘭苕上短服猶依霧樹邊但使孤城還貢賦何須橫海出樓船

桓桓衛霍萬夫雄籍籍偏裨國士風蹈海斬關爭效死當場脫劔恥論功

王師到處無荆棘父老歸來有故鄉澤國妖氛沉斷石海天秋色見扶桑

蜃弧影裡青山暮
刁斗聲中白露秋
肯惜萬金酬

首無勞千里問刀頭

聞軍中有思歸者故云

戍士尚留夷部落
居人遙望漢旌旗
穴中狐兔無多

日閣上麒麟莫後時

時復有福清之役

水口遲余使君作竹枝詞二首

繫船江口踏春陽
兩岸鶯聲欲斷腸
見說歡來問花事
倚船遙聽棹相將

時時歡上鬱金堂
兩兩三三多女郎
今夕儂家宿江舸
與歡相對短檠光

旅中得海錯一種土人呼以美名用薦宰夫戲

呈一絕

歌罷吳趨舌尚存五湖應有未招魂
只今誰是鴟夷子猶自含香報主恩

放舟

春江雨過浪花浮簫鼓樓船赴暝流
却憶遲迴明月夜蒹葭秋水木蘭舟

處處啼鶯倚棹歌南州春事近如何
檣烏無奈飛花急千里江程一日過

口號

燕子依依識主人銜泥飛度落花塵
舊家莫問烏衣

巷王謝于今未卜鄰

懷民璞

十年肺病倦游心
千里綈袍雨雪侵
不慕中天僊掌露
祇緣北極主恩深

懷定之

舊來詞賦出人群
此去安危仗使君
枝棹已從東海客
移書肯擬北山文

懷仲房

翩翩王子自僊才
笙鶴何時谷口來
直取黃山當倚席
即傾滄海接行杯

懷達甫

西來山色擁松蘿江路蕭蕭落木多
白岳未消飛雪盡清商翻入郢人歌

沙門道隆乞食吳下歸持元美所施大士像索
詩戲題二絕

迴舟江路法雲深一卷分來祇樹林
大士只今開海藏宰官無用布黃金

一從西土度南溟水月空明自在身
出世由來無色相休將繪事擬心神

送濂上人南遊閩粵

炎海茫茫問法華
慈雲冉冉護袈裟
蓮開十丈空王
坐雪擁千峰佛子家

海上名山第幾重
爾從初地叩南宗
一杯破浪隨浮
鷁雙樹聽經識老龍

衣傳六祖還應少
經演三車祇自多
悟後無言君始
信到時休問法如何

五嶺炎風動地吹
曹溪法雨四天垂
歸來何處開關
若分得菩提樹一枝

越人載酒餉予程
二德良見索因遣二甌作詩
遺之

扁舟已就鴟夷隱百讐遙從越女供新暑好分河朔
飲故侯猶擅酒泉封

使君白幘坐江干松下披襟五月寒試盡一尊當落
日隣翁不作酒人看

送江伯仁之揚州余故友霞石山人子也

涼風初度赤城標漸水秋連海國遙挂席西風乘夜
發試看八月廣陵潮

君家綵筆擅南州此去應逢桂樹畱俠少紛紛能結
客壚頭爭解紫貂裘

山人生業竟何如一卷遺君肘後書海上不須求大

藥人間好爲結精廬

望望風塵物色昏當年從自飯王孫只今淮海多奇士誰識長房在市門

焦山四懷詩

有序

僕將東游則與有定虎臣爲焦山約虎臣謂僕吳人郭次甫舍焦山且囊括六奇一一供游者具而南海歐楨伯北海馮汝強夾江而居並守文學掌故廣陵陸無從師楨伯京口茅平仲師汝強皆好奇士也淮從明公後當悉見之及僕先登蓋與季狂同至有定虎臣

後旬有五日至與平仲俱會歐馮待命上官
次甫鑰戶去矣僕介季狂招歐不至遂舍無
從嗟乎江淮之交諸君子悉與行會相去咫
尺竟未見其人彼生不同時猶將旦暮遇之
何說也有懷怏怏情見乎辭

隋宮楊柳向人垂春滿江都獨下帷采筆豈無招隱
賦青袍還有尚書期

懷慎伯

翩翩北海大馮君咫尺三山隔暮雲一自郢中喧下
里陽春不遣世人聞

懷汝強

我向蓬萊問大還何時笙鶴到人間祇應采藥凌東

海不用移文勒北山

懷次甫

舉頭依舊蕪城月屈指何人草賦才
片片江雲飛欲盡春潮不度廣陵來

懷無從

祖覺菴紫牡丹

精舍親來聽法華空林初著兩三花
祇應天上移春色莫向人間問魏家

湖上荅王仲房四絕句

春水扁舟盡五湖炎風抱膝傍毗盧
故人莫問鄉書少猶是高陽舊酒徒

十里湖風六月秋時時繫纜水西頭
諸天盡是清涼

果竟日何妨汗漫遊

蓬蒿赤日壓江村吹盡南風毒熱存回首故山青未
了炎天冰雪憶雲門

李侯結綬入承明門斷高車徑草生寂寞孤山舊池
館不聞堤上踏歌聲

贈朱時亨

客子何年此閉關
斲苓生事足青山
坐看流水秋無盡
倘有蓮花出世間

石梁千仞坐吹笙
霞色居然似赤城
鷄犬幾家歸路晚
行行澗畔聽松聲

余入山久矣心公登白嶽禮玄君持胤公書謁
余不遇聞將還雪余賦詩爲別兼訊胤公

杯渡君來謁大巫巖棲我亦傍毗盧送君唯有曹溪
水一夜西風下五湖

滄江秋水卽天涯林外春風過落花借得維摩方丈
室何時來駐白牛車

橋上遊時歌人作三女郎佐酒

野橋招客酒如何萬樹青青席上多一曲陽春流水
住千秋誰復覓韓娥

翩翩媚子過新豐采袖花鈿學漢宮坐客最憐三婦

艷主人莫惜一尊空

溪流瀾瀾石磷磷落日移尊更水濱無賴鶯聲濃似
酒當筵肯放獨醒人

送中上人出游二首

千古西峰有聖僧只今蘭若幾人登懸知震旦無多
路更向瞿曇問大乘

郭外青山佛寺開片雲飛去妙高臺他時倚杖青門
望何處傳經白馬來

湖上送僧自如從師慧光歸攝山四首

幾年杖錫阻江關此日親從惠遠還鷺領爭如千佛

橫嶺山不數五雲山

吾鄉問法幾人曾
衣鉢當年自聖僧
一片秋雲千里月
江天夜夜見傳燈

秋來萬樹俱蕭瑟
霞上雙林未寂寥
八月天風江路迥
一杯同渡廣陵潮

西天月放大光明
秋色遙遙白下城
玄度只今頭欲白
他年就爾問無生

送鑒公還焦山時有招提之役

幾年說法老江鄉
擬結蓮臺坐法王
爲問黃金高北斗
何如白日布西方

大日集 卷之二十一
歸來霞上避人群回首三山隔海雲折得青蓮花十丈殷勤千里寄焦君

送溶公遊南海二首

家住曹溪寶樹林扁舟遙度海雲深好隨南去垂天翼應悟西來出世心
緇衣偏袒舊紛披何事寒光夜陸離自有明珠藏徑寸無勞滄海施摩尼

訪徐鍊師不遇

朝來笙鶴去緱山冉冉天風未可攀回首關門烟霧裏猶疑真氣在人間

昔晦以玄冠緇衣上謁則襄陽舊吏徐梅也予
方有肇林之役

五馬勞勞漢水濱長裾爾亦傷風塵一從投筆歸初
地應悟辭家即法身

江流千里赴檀溪日日風波拍大隄回首上方看水
月故衣何處得摩尼

故里雙林聚苾芻浮雲千尺擁毗盧爾來香積分僧
飯笑殺高陽舊酒徒

仲魚至

殘年短褐卧窮廬落日衡門駐小車老去祇須陶令

酒君來莫問鄴侯書

草堂相對一燈青
客子論文靜夜聽
高枕只今甘白首
閉門不擬著玄經

草閣雨坐招吳虎臣

江上相期明月夜
雨中空對玉壺冰
未須把臂酣燕市
正好騎驢過灞陵

送吳虎臣八絕句

漸江東下接滄洲
石瀨粼粼萬里流
一片雪山橫海出
晚潮何處泊孤舟

廣陵冰雪繫浮槎
日暮歌鍾滿舊家
明到高齋分首

猶漸看春色著梅花

鄂華東風江可憐漢陽春柳落帆前天涯憶尔留鰕
菜地主何人乞酒錢

章華臺北峴山西池上風流憶舊蹤過客停車冠蓋
里歌人猶唱白銅鞮

先朝帝時築黃金大嶽岩堯出漢陰倚杖直凌千嶂
盡藏書好在五雲深

孤城落日過夷門腰下吳鉤未報恩莫道風塵輕俠
客只今車馬盛王孫

巖巖萬仞出丹梯回首烟霞五嶽低夜半蒼茫生海

日空中髣髴報天雞

白雪樓東獨倚廬
閉門寂寞子雲居
春深宰樹啼烏遍
莫漫相過問著書

登錫山二首

炎風昨夜度江隈
雨後青蓮片片開
曳杖直須凌絕頂
緱山倘有鶴飛來

岩堯祠廟控長虹
江上蕭蕭草木風
一任烽烟移鼎足
至今伏臘走江東

夏日邵山人作肇林社圖

千家赤日大鄣西
何處叢林近虎谿
爾向毫端窺色

相我從樹下問菩提

松門槃礴自清涼
盡手唯君獨擅場
只尺即看金粟影
虛空忽現白毫光

寄郭建初二首

誰從萬里客遼西
銅柱天南到馬蹄
塞下試聽橫笛好
分明一曲武陵谿

君家燕市有高臺
四顧曾空冀北材
櫪下只今垂兩耳
無人知自渥洼來

寄弟十二首

滿目龍沙落鴈多
淮南幾日度關河
漸江江上饒芳

草不信春來鴈不過

孤城急雨到青燈風色蕭蕭劍氣增襍被雞聲寒不盡天涯一夜老姜肱

雨過盧龍草色深王孫岐路一霑襟比來關塞愁中望不似池塘夢裏吟

朝川妬殺少年游千樹啼鶯曲水頭瞥見春杯楊柳色也從羌笛到邊州

聽法同歸白社盟迤禪獨向薊門行遠公倘問西來義無著天親是弟兄

草閣新成燕子來華門春雨掩莓苔從他杖屨紛紛相

問不是侯芭莫浪開

春衣春酒屬吾家
醉殺松門萬樹霞
留得偏提懸馬首
明年來看上林花

白雲無奈太行山
晝日官衣使者還
爲報春風停舞袖
知君不是舊紅顏

孤竹遺封古薊門
城頭冰雪至今存
采薇亦自吾家事
食粟三朝未報恩

漢主恩深萬石君
肯容內史在人群
而今白首郎中令
早晚抽簪出繢雲

白頭吟罷斷人腸
又解明珠佩女郎
咫尺長門春不

到琴心莫負鳳求凰

翩翩吳練照燕臺臺上黃金次第開我憶故山春首
蒼穆天八駿待君來

小孤山

江湖滿地白蘋秋獨石中縣萬古流無數浪花東去
盡青蓮一片至今留

大孤山

孤雲咫尺隔江關萬頃平湖十仞山我欲乘槎天上
去支機今已在人間

月夜行舟二絕句

高天涼月向人明中夜徐牽百丈行自是扁舟歸去
好勞君作伴故多情

鴟夷占斷五湖秋千載吾堪汗漫遊期爾漸江江水
上白蘋深處木蘭舟

苦雨二首

平生秋雨不開愁况復扁舟任拍浮高枕空江聲轉
急還如蕭瑟在南州

江北江南一棹歸菱荷猶及製初衣薄寒三日蕪葭
雨已覺他鄉物候非

送吳叔原會葬廣陵

百尋高塚玉雀嵬碑到燕城雪裏開會葬千人應避
道江東何處素車來

卿月盈盈墮海天殘年冰雪護祁連憑君爲弔陳公
子七日春回宿草邊

謝少廉不遇復之金陵贈絕句四首

國士無如洛下生吳公原自不知名莫愁射策君
門遠尺五天迴漢舊京

秋入淮南桂著花樽前立馬忽天涯騶奴莫問烏衣
巷燕子迎人是故家

海內詩名避惠連驚人佳句幾空傳紛紛側注都門

道得意猶堪綠鬢年

風雨差遲急鴈行
鳳凰臺畔五雲鄉
直須引對公車
令莫漫追呼俠少場

宿吳園江干樓

依舊匡牀客
夜清樓頭殘雪隔
窓明不禁枕畔梅花
落猶是山陽笛裏聲

夜歸過肇林

招提百尺暮鐘邊
燈影經聲夜可憐
長者尚爲車馬
客高譚翻笑辟支禪

古松

總角嬉游意氣新
眼中曾識老龍鱗
歸來已飽青雲色
猶自婆娑漸水濱

送龍長君應詔郢都十二首

萬里湖天挂錫飛
五雲深護老萊衣
江魚已破桃花水
陽鳥還驚棣萼輝

出入江關避姓名
由來和氏重南荆
使君門下三千士
若個旁窺十五城

天都坐對日氤氲
西望衡廬咫尺分
裁得峰頭雲一片
殷勤馬首贈夫君

石瀨綠江春水多
衡門五柳近如何
維舟爲報陶彭

澤指日蒲輪到薜蘿

路經彭蠡鴈行衝天入豐城斗氣重絕塞不愁分六
翮延津準擬合雙龍

兩國連兵鄂渚東戈船一炬石尤風只今赤壁誇詞
賦千古風流屬長公

漢口迴風疊鼓聲垂楊千樹纜江城大兒不避孔文
舉上客爭迎禰正平

城臨天塹夾江流客據胡床百尺樓最是江南秋色
好莫教開府易生愁

雲夢云何負孟諸水濱聊自問三閭南州賸有秋芳

杜東國空傳海大魚

雄風初起動江離
楚客披襟白日移
臺上共推觀射
父場中不數養由基

雲鶴僊僊下醉鄉
浮雲能白鶴能黃
一聲宛在崆峒
上雙翼還來河漢傍

鄉書尺一入明光
韋氏承家並擅場
傾國昔曾驚小
陸安車今更御元方

送丁畫師南羽東遊雲間之廣陵四首

煙霞歷歷盡三都
木葉蕭蕭下五湖
自是僊舟邀海
月非關客饌慕萐鱸

畫手無如顧虎頭，名家不減舊風流。
試看海架三千軸，誰是丹青第一籌。

輞川秋色在揮毫，萬里雄飛見尔曹。
一片雪山來海上，君看八月廣陵濤。

瞥見人間丁令威，滄洲落紙筆如飛。
相將東閣探梅去，準擬揚州跨鶴歸。

賦得釣璜磯拈齊字韵

投竿耐可傍巖栖，獨爾何曾別舊蹊。
咲殺渭川餘白髮，却將烟水博青齊。

流觴遇雨

夏木陰陰曲水湄
風流宛在習家池
峰頭忽送黃梅雨
不放山翁倒接羅

客散偶題

典客傳宣帝命催
千峰雷雨劃爭迴
到時無奈相如渴
先進夫容露一杯

送何主臣北遊四絕句

綈袍底事仿風塵
簪筆由來妙入神
試向鍾山瞻碣石
兩都國手更何人

黃山白雪哭城頭
千里辭家一敝裘
何處梅花堪歲暮
君家詩興落揚州

宮牆佳氣日氤氲有客親摹石鼓文莫問酒徒工說
劍看君筆陣摠凌雲

漁陽幕府擁雕戈書記翩翩國士多肘後黃金如斗
大尚方追琢法如何

塔燈

臯門過雨晝陰陰醺酒臨流白日沉瞥見星河廻四
坐俄驚珠樹攬千尋

賦得蘭陵酒

回首蘭陵十載前傾杯醉殺楚江天而今依舊高陽
侶一飲何須斗十千

鬱金堂上鬱金香四坐篝燈夜未央賓作楚歌吾楚
舞他鄉今是白雲鄉

閣上看諸君子踞石分坐花下二丈懸杯枝上
飲之

白榆歷歷坐中春花亞斜陽酒百巡枝上懸杯爭取
醉樓頭妬殺獨醒人

閣道新梅盛開諸君就飲

脩竹新移閣道齊憑陵啄飲一枝低酒籌莫問花多
少怕有巡簷暮雀栖

磯頭白鳥

最是高陽春可憐沙頭鷺集白於綿漁舟一繫垂堤
柳莫謾驚飛入暮烟

嶼柳

近水相將發故枝隔年猶自颺垂絲江南消息君知
否正是鶯黃未著時

諸君子橋上命酒探梅予自窓中啜茶同看
水檻梅花對白頭群仙乘興酌羅浮當杯肯放攢眉
客不是揚州是趙州

粉牆紅白梅花綠影

牆頭落日倚粧時漢浦雙鸞玉樹枝淡白輕紅春占

盡綠沉添得影參差

雨夜坐見月

冒雨衝泥鶴髮翁
鬱金堂上一尊同
行雲半露嫦娥面
作賦應耽宋玉工

程方平中歲始舉子爲賦七言四章

隋侯徑寸壓連城
擎出春湖徹夜明
蜃氣全銷江色淨
珠胎初傍月華明

飛來白鶴下天都
姑射神人坐據梧
試向牀頭張綠綺
春風一曲鳳將雛

曾從王母酌流霞
池上仙桃正發花
自是滑稽人不

識此兒今已匿君家

君家玉解古來工佳氣葱葱挂白虹
高會洗兒三百舉不知誰是酒人雄

爲許太初題寒林高士圖

許有孝行故
次首及之

澗道逶迤冰雪深槎枒萬樹晝陰陰
杖藜一保長林步傾耳時聞太古音

白華堂畔理琴歌一片愁心寄夢我
即看宰木墳頭拱又見空山屐齒過

三之日少保自肇林飲千秋里
召小女郎歌舞侑觴漫賦四首

江村八月月生明上客巾車出化城忽到新粧當戶
立却疑天女散花行

女郎阿閣近藍橋仙侶紛紛未可招醉裏莫疑西第
客尊前不是董妖嬈

惆悵河梁古別離招尋故里遠如期小姬不慣饒歌
部祗作江南白苧辭

鐵板曾聞古調工幽燕老將入江東當筵半吐鶯聲
細贏得纏頭帕錦紅

四望樓召楚虞送酒呈少保公

魚軒嫋嫋渡河梁宛轉尊前墮馬粧堂上莫教垂手

舞涼風吹去白雲鄉

淡抹輕裝粉黛捐化身來自蔚藍天百花潭上開粧
鏡萬里清秋水月懸

小小盈盈待細侯蛾眉半蹙繫筵戔飛瓊自在青天
上不是人間燕子樓

翩翩長袖拭鮫鮪叢桂西風闌舞腰獸錦輕衫堪解
贈纏頭不用侍中貂

贈蘭谿吳風鑑

海上親逢碧眼僊袖中攜得白雲編試看高卧烟霞
色不問西遊犬馬年

宰公從同社諸君子集太函分體得七言絕句

得威字四首

霞城一片對褰闌
江郭千家澹落暉
白屋任教低雪色
清樽耐可薄寒威

龍門得似使君稀
十日平原飲布衣
谷口先傳烏鵲喜
城頭爭覩鳳皇威

殘年冰雪送將歸
華表何時到令威
海內只今堪屈指
東南有美盡初衣

好在高齋共掩扉
東南況復引緇衣
眼中盡得論文友
肘後休論拜武威

丙戌夏五月甲寅黃母從丈人偕老其子公璫
從余遊三山是日集諸比丘供佛爲壽余爲之
賦繪事二章

金粟如來降上方瑤池宛在白雲鄉萱花堂背充庭
赤梅子枝頭着雨黃

年來像教正中興爾獨鵬搏最上乘壽酒謾觴金掌
露法筵先供玉壺冰

題丁南羽畫送瞿睿父歸楚

天風凋盡鷓鴣裘海曲那堪汗漫游彭蠡鴈迴聲不
斷空江落木一歸舟

流澌千里棹歌行翻入江鄉白雪聲回首青蓮三十
二軒皇何處接容成

四懷詩書贈王生之禹穴之鏡湖之鴈宕

陳司理立甫

名家當戶仗元方傳業曾傾大酉藏聞道漢宮徵國
色苧蘿谿上有夷光

龍郡丞伯貞

剡川一曲主恩新忽漫分麾到季真五夜天雞聞
闔近扶桑枝上日如輪

屠少仙建初

四明狂客岸黃冠
潦倒披裘五月寒
見說安期來海上
好分黍米大還丹

龍博士君御

青氈綠鬢耐淒其
星斗天南夜陸離
有客嘲君玄尚白
謫居更孽子雲奇

送海陽丁明府應召入朝十絕句

熒熒斗下夜光殊
疑是驪龍墮海隅
帝命從容須象罔
却從赤水得玄珠

幾年海國領鮫人
日織冰綃十丈新
聞道尚衣思補袞
只今重購到波臣

釣客爭傳海大魚金鰲一掣九淵虛祇應牢落函三
室不分徵求尺一書

茂草空亭秋水湄還嗔抱甕理園葵使君車下無留
犢帝子峯頭有勒碑

越臺秋月隔吳江願借嬋娟貯海邦不爲苧蘿留不
住夷光國色本無雙

離亭攬轡出風塵七尺昂昂報主身一入鵷行俱
歛衽不知封事爲誰陳

行邊流火動征輶白苧風涼服馬驕自是天孫工製
錦迢迢河漢鵲爲橋

華表歸來刷海濱君家獨鶴在雞羣孤飛好踏三株樹一唳應開五色雲

萬戶嚴更擊柝聲君王前席問蒼生長楊近日稀遊幸諫獵無煩效馬卿

晨風凖擬趁乘鳧潦倒王生一酒徒白社還須留几杖城頭甘雨望來蘇

寄龍博士君善十絕句

楚妃傾國寵新移狼藉朝雲薄海涯十二神樓開結蜃不知何處貯蛾眉

歲星忽漫落人間一探蟠桃海上山獻壽不須三熟

後鏡湖雙照關紅顏

赤城霞色引龍湫斗口孤城帶十洲秦帝東巡空望
幸翻令博士勒之罍

一官獨冷

主恩深坦腹便任陸沉莫遣春風褰

絳帳從教夜雪擁青衿

白社當年結臂歌牛山其柰鷄鳩何比來俠少工談
劍春雨盤飧苜蓿多

江心片石戴精藍有客齋居似太函分得菟裘容我
老留將龍藏待君叅

城旦書焚北斗城五車還授魯諸生亦知經術工無

益一曲滄浪自濯纓

白榆一散丈人烏何處飛來尾畢逋君自扶桑擎赤
日肯從海底網珊瑚

萬里天風八月濤無邊秋色到枚臯滄溟不似瀟湘
水遷客行吟有反騷

帷下長擎夜不褰刀頭明月信蒼天南溟謾道銅龍
隔只尺青藜北斗邊

桃塢

家在桃源未著花故園準擬及春華東風一夜渾無
賴吹散西原萬樹霞

石嶺梨花

縞衣素佩儼分行朝露盈盈競洗裝賦客高唐爭得
似游仙宛在白雲鄉

客四望樓吳如南遣音樂至卻寄謝之

神樓低度步虛聲知是緱山鶴上笙一片采雲縈復
斷曲終何處覓飛瓊

琴臺西望白雲深閣道高寨近百尋日暮天風橫吹
好莫教吹入白頭吟

夜坐與少連談藝四絕句

誰駭萬乘中鑾和沙苑驕嘶汗血多聞道穆天三萬

里不知國步竟如何

王門中使日傳宣
抱得齊竿近御筵
一曲雲門驚里耳
洋洋清廟自朱絃

札札機聲夜未央
梁間落月照流黃
冰綃莫問鮫人室
爭似天孫十二章

中天日月朗重開
作者還須不世才
聖代只今王與李
相將大冶鑄顏回

送何主臣之楚十絕句

燕子磯頭理畫艘
秦淮渡口倒銀缸
送君四月黃梅雨
五兩南風過九江

肘後雷文佩赤符魚龍千里避江湖石尤風息天如鏡
嬈嬈新裝出小姑

扁舟落日艤臨臬囊底旋探金錯刀赤壁千尋堪擘劃
恐驚水族夜深獮

澤畔高封宿草青朱絃一鼓吊湘靈江門錦石中流見
知是宵沉婺女星

夏口悲風引素車西來不爲武昌魚顛毛半落新豐里
忽到江關咫尺書

開府風流迥不羣蘭臺賓從儼如雲向來黃鶴樓中笛
好在胡牀月下聞

澤國雄風四坐生歌鐘薄暮動江城何郎酒態由來
美睥睨尊前笑禰衡

吾道天迴日月光緇帷宛在水雲鄉試看講席誰南
面知是絃歌舊海陽

迴舟一水抹匡廬片片青蓮撲太虛陶令尚聞材力
健倘從白杜遇籃輿

彭蠡湖邊落采霞豫章城外簸龍沙南州孺子如相
問垂老青門學種瓜

繡毬

鴨頭羅襪白霓裳徙倚新裝蹴踘場翻怪風流褻獨

步儘教天仗打三郎

送翁秭歸孝豐

延陵季子獨離羣
馬鬣誰鐫鳥跡文
宋玉招魂空有賦
三閭何處覓湘君

薄寒猶自滯羈棲
愁殺城烏五夜啼
明發好乘秋水去
江楓夾岸到苕溪

送十弟下武林八首

少年意氣挾吳鉤
澤國風烟恣遠游
三月鶯花臨客路
千山風雨送行舟

故家喬木倚雲高
共說王孫卜宅勞
列鼎繫鍾傳異

代連車躍馬見吾曹

扁舟繫纜石粼粼夜半潮聲動富春臺上君應重回
首江邊吾欲老垂綸

春潮帶雨壓城隅東望江門島嶼孤風鼓雷聲喧百
越濤翻雪色照三吳

城外西陂春可憐新裝袷服媚江天樓船簫鼓生愁
思墟里蓬蒿上夕煙

發船南浦雁歸時執手河梁問所之最是五湖防戰
地莫移孤棹載西施

東吳枹鼓入江風南越舟師未奏功聞道材官猶設

險臨行贈爾寶刀雄

溪上霜清紫蟹肥
天邊木落白雲飛
西風憶爾聽鴻處
秋入黃花歸未歸